



Universitätsbibliothek Paderborn

**Exacta Facti Species Cum solida Remonstratione non
existentis Prætensæ Electionis Serenissimi Principis
Josephi Clementis Bavariæ Ducis junctâ resolutione
diversarum quæstionum pro firmando ...**

[Ort nicht ermittelt], Anno M.DC.LXXXIX.

Breve Sanctissimi. Ad Illustrissimum Capitulum Coloniense. Innocentius
Papa XI.

urn:nbn:de:hbz:466:1-38262

Litteræ Illustrissimi D. Nuncii Apostolici ad Illustrissimum Capitulum Coloniense.

Illustrissimi Perillustres ac Reverendi Admodum Domini.
Non exiguum concepit mœrem Sanctissimus Dominus noster, ex obitu claræ memorie Serenissimi Electoris Colonensis, enixisque votis à Deo supplex efflagitat, ut Ecclesiæ illius morte viduatis condigne provideatur; Sanctitas sua mihi ideo injungere dignata fuit, ut illustrissimis Dominationibus vestris renuntiare mentem ejus esse, quod in imminentibus Electionibus ineundis, Canonicè procedatur, illaq; dirigantur in eos, qui prudentia & virtute NB. digniores NB. aptioresq; censeantur ad earudem Ecclesiæ Regimen Laudabiliter subeundum: hæc sunt vota tanto digna Pontifice, digna etiam ut iisdem ad amissum obsequatur, illustrissimarum Dominationum vestrarum pietas, illorumq; Zelus erga istam Ecclesiam. Cui & ipse pro mearum virium tenuitate inservire exoptans, permaneo Coloniæ 13. Julii 1688.

*Illustrissimarum Perillustrium ac RR.
admodum Dominationum vestrarum*

**Illustrissimo Capitulo Metropolitanæ Colonensis
ad omnia officia Paratissimus J. A. Archi-
Episcopus Damacenus.**

BREVE SANCTISSIMI.

Ad Illustrissimum Capitulum Colonense.

INNOCENTIUS Papa XI.

Dilecti Filii Salutem & Apostolicam benedictionem, tristati sànd nò parum sumus, de obitu Venerabilis Fratris Maximiliani Henrici Archi-Episcopi dū viveret Colonensis de quo litteris 5. Junii proximè elapsi datis certiores nos reddidisti, perspectæ enim ejusdem virtutes ac prærogativæ à Charitate, qua illum prosequebamur prorsus id te poscebant, tristitiam autē nostram opportunè levantes consideratione mercedis magnæ nimis, quam ipsum in æterna beatitudine à liberali juctorum remuneratore Deo recepisse speramus pro sollicitudine, quam gerere debemus omnium Ecclesiæ, præsertim vero Colonensis, vehementer vos in Domino hortamus, ut in Eligendo successore, augmentum divinæ gloriæ unicè propositū habeatis, in eumq; tantummodo conveniat, quem præclaris magno Præsule dignis dotibus, NB. insignitum, ad omnes Papalis officii partes laudabiliter obeundas, magis NB. inter vos idoneum agnoveritis. Quod ut juxta pietatis, Zeliq; vestri onus, votumq; nostrum ac expeditatio-

R. 103

nem, p̄fetis, S. Spiritus auram vobis, dilecti Filii affatum usq; precamur, ac apostolicam benedictionem per amanter impertimur, datum Romæ apud S. Mariam Majorem sub annulo Piscatoris, die tertia Juli M. DC. LXXXIX. Pontificatus nostri anno duodecimo.

Marcus Spinola,

Litteræ Serenissimi Glor. mem. ad Sanctissimum

Sanctissime Pater.

Cum jam pridem illustrissimo Domino, Sanctitatis Vestrae Nuncio momenta, exposuerim quibus adductus fui, ut in Coadjutoris postulationem consensum meum prāstiterim, neq; per eam, quæ me jam opprimit ægritudinem, multa mihi dicere liceat, de hisce momentis sanctitatem vestram iterum non gravabo, at sanctissime Pater, cum per morbum, quo teneor, dissolutionis dies non immerito timendus mihi veniat, antequam animam meam Deus à me repetat, devotionis meæ in sanctitatem vestram esse duxi, ut suæ Apostolicæ benedictionis præsidio mihi consulerem, & Conscientia meæ Incubere existimavi, ut ipsam, instantibus valde precibus exorem, quatenus per coadjutoris deputationem, prævertere velit Calamitates, quæ per sedis Coloniensis vacantiam, hanc Ecclesiam, measq; ores, que Christi sunt, infestare possent. Jam Ego sanctissime Pater omnibus votis optarem cunctis Ecclesiis, quibus divinâ providentiâ me præfecit eadem ratione provisum fuisse, sed cum id sperare jam vix detur, sive summo Creatori me ad se evocare placuerit, sive meliori sanitati Clementia sua me restituere, abundâ consolatione recreabor, cum saltem Ecclesiam Colonensem, quæ ut omnium dignior est, ita in maiori discrimine versatur, à vacantiæ periculis liberatam scivero, itaque sanctissime Pater, pedes sanctitatis vestrae amplexus eam enixè obsecro, & per Salvatoris nostri Charitatē obtestor, ut ultimâ me hac gratiâ reficere, hocç ultimo forsitan in Iesu Christo gaudio me perfundere amantissime velit, ut scil. cum Deo libuerit, dimitti possit animus meus in pace, cum oculi mei salute Ecclesiae meæ viderint. Quæ sanctissime Pater, dum à Sanctitatis vestrae paterna & propitia charitate spero tranquillè & placide, admodum diem Domini Expectans, præparabo illi spiritum meum, quem interim perenni & almæ sanctitatis vestrae benedictioni summâ cum pietate Commando.

Litteræ Illustrissimi Capituli Coloniensis ad Sanctissimum

Dominum nostrum.

Beatisime Pater.

Quamvis dubitare non possumus, quin ad sanctitatis vestrae notitiam devenerit, qualitor Deo ita disponente, Serenissimus & Reveren-

L 3

diss

dissimus Princeps Elector & Archi-Episcopus Colonensis, Maximiliani Henricus, utriusq; Bavariae Dux, Dominus noster Clementissimus viam universæ Carnis ingressus, die tertia currentis mensis Junii placidissimè & piissimè in domino obdormiebat, immarcessibilem virtutum suorum, quibus inter Præsules singulariter splendere visus est, coronam reportaturus, nihilominus pro nostra, quâ ergâ sanctitatem vestram, sanctamq; sedē Apostolicam, ferimur submississimâ devotione, iunctuofan hujusmodi obitum vestræ sanctitati humillimè notificandum, simulq; insinuandū fore duximus, quod maturis tractatibus præhabitis in loco Capitulari legitimè congregati, Capitulum representantes, ad animum revocaverimus, quanta Ecclesiis, & præsertim harum regionum Metropolitanis, Præsulis solatio distitutis, pericula & dispendia imminere loquant, adeoq; attentius perpendentes, postulationē Coadjutoris Archi-Episcopatus Colonensis in personam Eminentissimi Cardinalis Landgravii de Fürstenberg, & sub sanctitatis vestræ & sanctæ Sedis Apostolicæ beneplacito non ita pridem à nobis concorditer factam, quantum nobis constat, haec tenus nequidum à Sanctitate vestra fuisse admissum, ad occurrentum gravissimis incommodis, quæ in Ecclesiam præstadit, totamq; Archidiæcesin Colon. ex diuturnâ vacatione redundare possem, in Eventum, quo gratiam successionis memorato Eminentissimo Cardinali Landgravio de Fürstenberg &c. Decano nostro longè dignissimo, & de Ecclesiâ præceteris optimè merito, ad humillimas nostras preces, & factam concordem postulationem à Sanctitate vestra concessam esse, interea nobis non constiterit, prout de illius concessione nihil haec tenus nobis innotuit, ad Canonicam novi Archi-Episcopi Electionem vel postulationem, prout de jure procedendū fore, concorditer resolverimus, & ad hujusmodi Electionem vel postulationem Canonice celebrandam, diem decimam nonam proximi mensis Julii, cum continuatione sequentium, statuerimus & præfixerimus, relaxata cum in finem citatione solita & opportuna, in Dominio confidentes, quod sanctitas vestra hanc nostræ providet intentionis solertiam, pro publico Ecclesiæ Colonensis bono benignissimè probatura, cuius beatissimos pedes deyotissimè exosculamur & ulterioris Paterni affectus erga nos, Ecclesiamque nostram Colonensem continuationem humillimè deprecamur, manentes semper,

Sanctitatis Vestræ

Coloniae d. f. Junii 1688.

Devotissimi & humillimi
Decanus & Capitulum Ecclesiæ
Metropolitanæ Colonensis
pro Copia Authentica

Col. follii Jefu padib

1697. Gerardus Rensing, Capituli Metropolitanæ
Colonensis Syndicus & Secretarius.